

216

Թմայնագր

Գրքեր

2 տպ

~~Ինֆուգի~~  
87

Թիֆլիս  
1909

2004



# ԳԻՔՈՐԸ

ՅՈՎ. ԹՈՒՄԱՆԵԱՆ.



1920 Վ

ՀԱՄ. 7-ՅԱ ԼԵՎՆԻՅ և ՄԵՏՆԻՅ՝ ԳՐԱԿՆԻՅ.

9915

99-5

W

հեղինակ

87

ՅՈՎՀ. ԹՈՒՄԱՆԵԱՆ-Ի

Գ Ի Ք Ո Ր Ը

2 Տ Ի Գ

— 9 (32646)

Թ Ի Յ Լ Ի Ս

ԷԼԵԿՏՐՈՆԱԿԱՆ ԳՐԱՆՆԱԳՐԱՆԻ ՊՈԼԻՑ. 7.  
1909

2006



իւղացի Համբօի տունը կռիւ էր ընկել:

Համբօն ուզում էր իր տասներկու տարեկան Գիքորին տանի քաղաք մի գործի տայ, որ մարդ դառնայ, աշխատանք անի: Կինը չէր համաձայնում:

— Չեմ ուզում, իմ քորփա երէխին էն-անիբաւ աշխարքը մի գցիլ, չեմ ուզում, լալիս էր կինը:

Բայց Համբօն չըլսեց:

Մի խաղաղ առաւօտ էր. մի տխուր առաւօտ: Տանրցիք ու հարևանները եկան մինչև գիւղի ծէրը, Գիքորի թշերը պաշտեցին ու ճամփա գրին:

Քոյրը, Չանին, լաց էր լինում, իսկ փոքրիկ Գալօն մօր գրկից ձայն էր տալի— «Գիքոր, էտ ո՛ւլ ետ գնում, հէ Գիքոր»:

Գիքորը շուտ շուտ ետ էր նայում: Տեսնում էր գետ գիւղի ծէրին կանգնած են նրանք ու մայրը գոգնոցով սրբում է աչքերը: Դարձեալ հօր կողքով վազում կամ առաջն էր ընկնում: Մին էլ ետ նայեց. գիւղը ծածկւել էր բլուրի ետև:

Այնուհետև Գիքորը ետ էր ընկնում:

— Արի հա, Գիքոր ջան, արի հա, հասանք հա,— որ-

Handwritten signature or note in the right margin.

Library stamp: ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՐԱԴԱՐԱՆ

87-2014  
1887

դուն կանչելով զնում էր Համբօն, շալակին մի խուրջին, մէջը մի քանի հաց ու պանիր ու մի երկու դաստաթութուն: Իրիկնապահին, երբ անց էին կենում սարերը, մի անգամ էլ երևաց գիւղը հեռու մշուշում:

—Այ, ապի, մեր տունն էն ա հն, ցոյց տւաւ Գիքորը՝ մատը մեկնելով դէպի գիւղը, թէև տունը իսկի չէր երևում, ու անցան:

Առաջին իրիկունը զոնախ ընկան մի գիւղում: Տանտէրը Համբօի հին ծանօթն էր:

Գեղին սամովարը թշուղում էր տախտի ծէրին: Մի ջահել աղջիկ շրջիկը լսկացնելով բաժակները լւանում ու թէյ էր շինում: Նա մի կարմիր սիրուն շոր ունէր հագին: Գիքորն էնտեղ մտքումը դրեց, որ երբ քաղաքում փող աշխատի, իրենց Ձաննի համար մի էնտեսակ շոր դարկի:

Իրիկնահացից ետը տանտէրն ու Համբօն թինկը տըլած, չիբուխ քաշելով զրուց էին անում: Խօսեցին Գիքորի մասին: Տանտէրը գովեց Համբօին, որ չարչարւում էր որդուն մարդ շինի: Յետոյ սկսեցին խօսել կուլի վրա, հացի թանգութեան վրա, բայց Գիքորը շատ էր յոգնած, քունը տարաւ:

Միւս օրը քաղաք մտան: Գնացին ծերունի թաւաշու մօտ: Առաւօտը բազարն իջան:

—Իիձա, էդ երեխին ծառայ ես տալու, խանութի ներսից հարցրեց մի վաճառական:

—Հրամանք ես, ասաւ Համբօն ու Գիքորին էն կողմը հրեց:

—Իեր ինձ տուր, ես կը բռնեմ, առաջարկեց վաճառականը:

Նրան ասում էին բազազ Արտեմ:

Համբօն քաղաքում Գիքորին ծառայ տւաւ բազազ Արտեմի տանը: Պայմանն էն էր, որ Գիքորը պէտք է տունը մաքրէր, ամանները լւանար, ոտանամանները սրբէր, դուքանը բաժին տանէր, ու էս տեսակ մանր ծառայութիւններ, մինչև մի տարի:

Մի տարուց ետը բազազը նրան պէտք է տանէր դուքան, շինէր դուքանի «աշկերտ», ու էսպէս Գիքորը պէտքէ բարձրանար:

—Հինգ տարի դեռ փող չեմ տալ, ասաւ բազազը պայմանը կապելիս:—Թէ դրուստը կուզես, դեռ դու պէտք է տաս, որ քու որդին բան է սովորելու: Ախար իսկի բան չըգիտի...

—Որտեղից գիտենայ, խաղէին ջան, պատասխանեց Համբօն, որ գիտենար, էլ ուր կըբերէի, ես էլ բերել եմ, որ բան սովորի...

—Կըսովորի, ամեն բան կըսովորի: Էնպէս սովորի սր... Ձեր կողմերից էն նիկօն ինչ է, որ իրեն համար դուքան ունի բաց արած, նա էլ ինձ մօտ է մարդ դա-

ուել: Ամա վերջում մի ջուխտ շայի գդալ ու մի քանի բան գողացաւ...

—Չէ, խաղէին ջան, սա գողանալ չի: Որ էդպէս բան անի, կը գամ կըննիցը կը բռնեմ էն Գուռը կը գցեմ:

—Հն, որ ձեռը հալալ է՝ մարդ կը դառնայ:

—Իմ դարդն էլ էն ա, աղա ջան, որ մարդ դառնայ. լեզու սովորի, գրիւ-կարդալ սովորի, նստիլ-վերկենալ սովորի, մարդ ճանաչի, որ աշխարհումն ինձ նման խեղճ ու գուրկ չը մնայ... Ինքն էլ աչքաբաց երեխայ ա, մեր գեղական շօլումն էլ գրաճանանչ ա էլէլ, գրի սեն ու սիպտակը ջուկում ա: Ամա աղաչանքս էն ա, որ լաւ մը-



տիկ անէք, դարիբ երեխայ ա, քօրփա ա...

Բազազը Համբօին միամտացրեց ու դուրս գնաց բարձր ձէնով հրամայելով՝ «Չայ բերեք, հաց բերեք սրանց համար...»

Հէր ու որդի նստած էին բազազ Արտեմի խոհանոցում:

—Դէ, հիմի դու գիտես, Գիքոր ջան, տեսնեմ՝ ինչ տեսակ տղայ ես դուրս գալի... Հէնց պէտք է անես, որ... ես ինչ գիտեմ... սով Տէր Աստոծ... մոնչաց Համբօն ու չիբուխը լցրեց:

Այն ինչ Գիքորը չորս կողմն էր դիտում:

—Ապի, սրանք բուխարի չունեն:

—Չէ, սրանցը փէչն ա, այ էն ա փէչը...

—Կալ էլ չունեն:

—Սրանք քաղաքացի են, գեղացի հօ չեն, որ կալ կասեն:

—Բա սրտեղից են հաց ուտում:

—Փողով առնում են ուտում: Հացն էլ են փողով առնում, եղն էլ, կաթն էլ, մածոնն էլ, փէտն էլ, ջուրն էլ...

—Վն...

—Բն, սրան Թիֆլիզ կասեն: Դու հալա դոչաղ կաց, դեռ շատ բան կիմանաս:

—Ապի, սրանք ժամ ունեն...

—Ունեն բնս, սրանք էլ մեզ նման հայ քրիստոնեայ են: Մըտիկ արա հն — ձեռնաքաշութիւն չանես: Կարելի ա քեզ փորձելու համար փող վէր կը գցեն, մօտենաս ոչ: Թէ վերցնես էլ, տար ասա — «խանում էս ինչ փող ա, էստեղ վեր ընկած էր, աղն, էս բանն էստեղ գտայ», թէ չէ...

—Էստեղ էլ պրիստաւ կայ որ...

—Կայ բան... Վախա ու անվախտ դէս դէն չընկնես, ձեռք ընկած փողը քօռ ու փուշ չանես, հազար ու մի պակասութիւն ունենք: Քեզ էլ լաւ պահի, գիշերները բաց չըլես, մըսես ոչ... Մի մին եկողի հետ գիր դարկի... մերթ մերթ չիբուխը բերանից հանելով որդուն խրատում էր Համբօն: Այն ինչ Գիքորը ննջում էր:

—Հացի կտորտանքն ու քարթուն կը տան, կերակուրի թերմացքը կը տան, շատ անգամ էլ իրենք կուտեն, քեզ տալ չեն, բան չը կայ, ծառայի կարգն է դա... Օրեր են, կը մթնեն անց կը կենան...

Շարունակում էր հէրն իր խրատը, բայց Գիքորը հօրը թինկը տւած քնել էր արդէն:

Էն երկու օրը նա էնքան բան էր տեսել, էս ու էն կողմը նայել, որ յոգնել էր բոլորովին:

Մըքով լիքը խանութները, դէզերի նման դարսած գոյնգոյն շթերը, տեսակ—տեսակ խաղալիքները, ուսումնարան գնացող կամ դարձող երեխաների խմբերը, իրար ետեից սլացող կառքերը, ուղտերի շարքերը, կանանչի բարձած աւանակները, թաբախները գլխներին կինտօները... էս ամենի գոռոցն ու զընգոցը, աղմուկն ու աղաղակը իրար խառնւած դժւրժում էր նրա գլխում: Եւ նա յոգնել էր ու հօրը թինկը տւած քնել:

Էս ժամանակ բազազն ու իր կինը վիճում էին ներսը: Կինը տրտնջում էր, որ ծառան խամ էր, նոր սարիցն եկած, վայրենի, իսկ մարդն ուրախ էր, որ մի բանի տարով անվարձ ծառայ էր գտել:

—Կը սովորի, հօ էգպէս չի մնալ, ասում էր նա կնոջը:

—Կը սովորի, որդի, սիրտդ շուռ մի բերի,—խնդրում էր բազազի պառաւ մայրը:

Բայց տիկին Նատօն չէր համոզուում: Նա արտասուելով անիծում էր իր բախտը:

Գիքորը մենակ նստած էր բազազ Արտեմի խոհանոցում: Նա արդէն ծառայութեան մէջ էր:

Սազէինի հին գլխարկը մինչև ականջները կոխած գլուխը, հին սոնամանները սոներին, մի մաւի բլուզ էլ հազին, էսպէս ոտից գլուխ փոխւած, նա նստած էր խոհանոցում ու միտք էր անում, թէ ընչի եկաւ իրենց գիւղից, որտեղ է ընկել, հիմի ինչ պէտք է անի...

Էս ժամանակ ներս մտաւ տիկին Նատօն:

Գիքորը տեղը նստած էր:

Տիկինը մի բան ասաւ: Գիքորը լաւ չը լսեց, թէ չը հասկացաւ:

—Քեզ չեմ ասում, տօ արջի քոթոթ:

Գիքորը շփոթեց, բրտեց. մին ուզեց հարցնի թէ ինչ է ասում, մին էլ սիրտ չարաւ: Աղջիկ պարօնը բարկացած դուրս գնաց:

—Ը՛հ, հողեմ ձեր գլուխը, որ վայրենի էք ու գալիս էք մարդի գլխի խաթա դառնում... Ես բան եմ ասում, սա տեղիցն էլ ժաժ չի գալի, ձէն էլ չի հանում...

—Վերջացաւ, անցաւ Գիքորի մաքովը: Բայց ի՞նչ



շուտ վերջացաւ... ինչ վատ վերջացաւ... Հիմի ես ինչ անեմ... հէրս էլ գնաց...

Եւ ամեն բան նա վերջացած էր համարում, երբ իրեն իրեն խօսելով ներս մտաւ սև շորերով բարի պառուը, բազազի մէրը:

—Որ աղջիկ պարոնը ներս է գալի տեղիցդ ընչի չես կանգնում, որդի, խրատում էր նա Գիքորին, որ բան են հարցնում ձէն հանի... Դնց կըլի էգպէս...

Պառաւին դէղի էին ասում:

Դէղին սովորեցնում էր Գիքորին թէ ինչ պէտք է անի, ինչպէս սամօվարը գցի, ոտնամանները սրբի, չօսկը բռնի, ամանները լսանայ...

Բացի պառաւ դէղին ամենքը նեղացնում էին նրան:

Բազազի «դուքանի աշկերտներն» էլ շարունակ ծաղրում էին նրան, «քիքի» էին կանչում, քիթը բաշում, գլխին խփում, գլխարկը կոխում ականջները:

Բայց էս բոլորը տանելի բաներ էին:

Անտանելին էն էր, որ նա չէր կարողանում քաղցին դիմանայ: Իրենց տանը, երբ սովում էր, գնում էր տաշտիցը հաց էր առնում, կճուճիցը պանիր էր հանում, ուտելով գնում խաղալու, կամ թէ չէ՝ փէշն էր գնում, գնում հանդը: Երբ ուզում էր՝ մի ծառի տակի կամ աղբըրի վրայ նստում էր ուտում:

Հիմի էտեղ ուրիշ տեսակ էր: Ինչքան էլ սոված լինէր՝ պէտք է սպասէր մինչև ճաշի ժամանակը գար, էն էլ ամենքն ուտէին, ետոյ ինքը: Էգ անիծած ժամանակն էլ էնքան ուշ էր գալի, որ խեղճի սիրտը քամ էր ընկնում, թրթռում:

Մին, երկու, տասը համբերելուց ետը նա սկսեց չորս կողմն աչք ածել խոհանոցում, թէ արդեօք մի բան չի գտնիլ ուտելու, որ սիրտը կանգնեցնի, մինչև ճաշի ժամանակը գայ:

Սկզբում ինչ գտնում էր—չոր հացի փշրանք, կրծած ոսկոր թէ ուրիշ բան, գցում էր բերանը: Մի քիչ ետո մտածեց խոհանոցի պահարանները որոնել: Ապա թէ սովորեց կերակուրի պղնձից կիւսեփ մսի կտոր դուրս քաշել...

Բայց եթէ նկատէին...

Ինչ վատ բան գուրս կը գար...

Եթէ նկատէին...

Հապա ինչ անես...

Թողնես, փախչես...

Եւ Գիքորն սկսեց մտածել փախչելու մասին:

Բայց Դնց փախչես, որ կողմը փախչես. մենակ, ճամփա չըգիտես, մարդ չես ճանաչում... Իսկ հէրը...

էնքան շարշարեց, խօսեց, խրատեց «օրեր են, որդի, կը մթնեն, անց կը կենան...»

Եւ անա Գիքորի գլխում հնչում է հօր խանձած ձէնը, — «Օրեր են, կը մթնեն, անց կը կենան... անց կը կենան...»



անգը տւին:

Գիքորը վեր թռաւ: Ասել էին թէ երբ զանգը տալիս են, գնա տեսնի՛ ով է, ինչ է ուզում: Նա դուրս եկաւ, պատշգամբից նայեց, տեսաւ՝ մի պարօն ու մի քանի տիկին դռան առաջը կանգնած:

— Էդ ո՞վ էք, հէյ, ձայն տւաւ վերեւից:

Ներքեւից վերև նայեցին:

Տիկինները ծիծաղեցին, իսկ պարօնը ակնոցներն ուղղելով հարցրեց:

— Աղջիկ պարօնը տա՞նն է:

Ի՞նչ էք անում, հարցրեց Գիքորը:

Ներքև ծիծաղն աւելի սաստկացաւ:

— Քեզ հարցնում են՝ տա՞նն է, թէ՛ չէ, բարկացաւ պարօնը:

— Բան ունէ՞ք:

էս ազմուկի վրա տիկինը դուրս եկաւ:

— Քրքրւես. դու՛ գնա դուռը բաց արա, շնտ, ճչաց ու սկսեց անիծել Գիքորին և իր ամուսնուն: Բայց շուտով հիւրերն երևացին և նա ժպտալով դիմաւորեց:

— Ա՛ բարև, բարև, ... էս ո՞ր խաչիցն էր, ի՞նչպէս է որ մտաբերեցիք...

— Էս ո՞րտեղից էք գտել, ոտից գլուխը Գիքորին չափելով հարցրեց պարօնը, իսկ տիկինները շարունակ ծիծաղում էին:

— Ի՞նչ էք նախանձում, կուզէք ձեզ տանք, կատակի տւաւ տիկինն ու հիւրերը խնդալով ներս մտան:

Գիքորին շտապով մի տեղ ուղարկեց ու նրանց ետևից իսկոյն ներս մտաւ և տիկին Նատօն:

Իրար առողջութիւն հարցնելուց ետը հիւրերն սկսեցին պատմել իրենց ներս մտնելու պատմութիւնը, և դուրս եկաւ մի ահագին պատմութիւն:

— Օ՛ֆ, սիրտս մաշել է, գանգատում էր տիկին Նատօն. — Թէ իմանաք՝ ինչ եմ քաշում ես դրա ձեռիցը... Ասում եմ՝ դուրս անենք կորչի, բայց դէ Արտեմի բնաւորութիւնը գիտէք էլի, ասում է՝ մեղք է, գեղացի երեխայ է, թող կենայ, մի կտոր հաց է, ուտի, կը սովորի... Ախր էլ ե՞րբ... սիրտս մաշեց...

— Օ՛հ, Օ՛հ, Օ՛հ, էդ ծառաների բանն էլ մի ասի,—

էս ու էն կողմից սկսեցին բողոքել տիկին հիւրերը:

Մի կէս ժամ խօսեցին դէսից դէնից, ծառաներից, քաղաքի նորութիւններից: Հէնց էդ խօսակցութեան ժամանակ ներս մտաւ քրտնած Գիքորը:

— Աղջիկ պարոն, միրգը բերի:

— Հա, լաւ, գնա, հրամայեց տիկինը կարմրելով, իսկ հիւրերն սկսեցին ծիծաղել:

— Աղջիկ պարոն, խաղէինն ասում էր՝ բալը թանգ ա, հարկաւոր չի...

էս խօսքերի վրա հիւրերից ոմանք պորտկացին ու թաշկինակով բերաններին հուպ տւին, ոմանք էլ տանտիկնոջ խայտառակութիւնը ծածկելու համար վկայեցին, թէ իրաւ բալը շատ թանգ է, էս ժամանակին ով է բալն առնում: Ապա սկսեցին յանդիմանել, թէ ինչ հարկաւոր է միրգը, հօ ուտելու համար չեն եկել, ինչ են նեղութիւն քաշում...

Տանտիկինը մինչև ականջակոթերը կարմրած աշխատում էր մի կերպ եղածն ուղղի:

— Ով գիտի ինչ է ասել, չի հասկացել էս յիմարը:

— Ով սուտ ասի՝ գետինը մըտնի, երգւեց Գիքորը, ու ամեն բան լրացաւ:

իւրերին ճամփու դնելուց ետը տիկին Նատօն բարկացած, բարձր բարձր խօսելով վեր էր քաղում մրգի սեղանը: Նա հայհոյում էր Գիքորին, մէկ մէկ թւում էր թէ ինչեր է անում նա, անիծում էր իր բախտը, իր ամուսնուն:

— Քա, խամ է, որդի, կը սովորի, որդի... ինչի ես սիրտդ շուռ բերում... Ախ Աստոծ, ի՞նչի չես հոգիս առնում, հառաչում էր պառաւ դէղին:

— Երանի մի իմանամ՝ մարդու սրտի էս նեղացած ժամանակը դու ինչ ես խօսում... Ուամ է, դէ գնացէք դուք շինեցէք, ես հօ ձեր գերին չեմ, ձէնն աւելի բարձրացնելով պատասխանեց պառաւին հարսը ու շարունակեց իր տրտունջն ու անէծքը մինչև ամուսինը տուն գար:

Ամուսնու ոտնաձայնը որ լսեց՝ սկսեց արտասուել, աւելի բարձր խօսել ու ամանները իրար գլխով տալ:

— Ասում եմ՝ դուրս արա կորչի. ես ծառայի բանն էլ կանեմ, թէ խնայում ես՝ փող տաս, կարգին ծառայ բռնես... Լաւ է մարդ ծառայի տեղ էլ քաշ գայ, քան թէ

ամեն օր էսէնց սիրտը շուռ բերի... Իմ թշնամին հօ  
չէս...

—Ի՞նչ է պատահել,—հարցրեց բազազը՝ տան մէջ-  
տեղը կանգնելով:

—Ի՞նչ պէտք է պատահի. էս էր մնացել որ խալխի  
մօտ էլ մարդ գետինը մտնի, էս էլ արիր. էլ ի՞նչ պա-  
տահի, վրա թուաւ տիկինը ու պատմեց բալի պատմու-  
թիւնը:

—Վահ, բացականչեց բազազը:

—Ա՛խ Աստօծ, հառաչում էր բարի պառաւը՝ դէս  
ու դէն ընկնելով:

Բազազը Գիքորին ձէն տւեց:

Թմփթմփացնելով Գիքորը ներս ընկաւ:

—Մօտիկ արի, կանչեց բազազը:

Գիքորը վախեց նրա գոյնից, մնաց տեղը կանգնած:

—Քեզ ասում եմ՝ մօտիկ արի...

Գիքորն էս անգամ շարժւեց, բայց դարձեալ մնաց  
տեղը կանգնած:

—Տօ, արջի քոթոթ, էս քեզ ասում եմ՝ աղջիկ պա-  
րոնին ասա, դու գալիս ես զոնախներին ասում թէ բալը  
թանգ էր...

—Ես... ես... աղջիկ պարոնին... ուզում էր արդա-  
րանայ Գիքորը, բայց խօսքը բերանում՝ ապտակը հասաւ,  
աչքերը կայծակին տւին, գլուխը դիպաւ կողքի պատո՞ղն  
ու վէր ընկաւ: Հէնց ընկած տեղն սկսեց բազազը ոտ-  
քել անդադար կրկնելով—«բալը թանգ էր հօ... բալը  
թանգ էր, հօ...»

Պառաւ դէղին դողդողալով մէջ ընկաւ, աշխատում  
էր ետ քաշի կատաղած որդուն, աղջիկ պարոնն էլ ե-  
կաւ, երեխաներն էլ սկսեցին ճչալ, բազազը ետ կանգ-  
նեց հեալով ու կրկնելով—«բալը թանգ էր, հօ...», աչքե-  
րը միշտ չռած անկիւնում կըծկըւած Գիքորի վրա, որ  
դողալով ու ցաւագին մըմնջում էր.

—Վայ, նանի ջան, վայ... վայ, նանի ջան, վայ...

Ս եսան տանը չի կարողանում ծառայի՝ խանութ  
տարան Գիքորին: Էնտեղ ապրանք պէտք է տային մուշ-  
տարիներին հետ տանելու, չիթ պէտք է ծալէր, խանութը  
սրբէր, իսկ պարապ ժամանակը մուշտարի կանչէր:

Եւ ահա Գիքորը հաց է տանում խանութը: Կերա-  
կրամանը ձեռքին, մաշած ու տժգոյն, մեծ մեծ ոտնա-  
մանները բաշ տալով անց է կենում կամուրջով: Նայեց  
ներքև: Քարւանսարաների բարձր պատերին զարկելով  
ծառս էր լինում Քուռը, ոլորում, պտրտում ու ճնշելով  
խեղդում, խուլ թշուղում կամուրջի տակին:

Ափից մօտիկ պտրտում էր մի կանաչ նաւակ: Եր-  
կու հոգի կային նրա մէջ. մինը ուռկան էր ձգում, միւ-  
սը նաւն էր կառավարում:

«Ա՛յ հիմի կը հանի», ասաւ Գիքորն ու կանգնած  
նայում էր ձկնորսներին: Ուռկանը դատարկ դուրս եկաւ:

—Էս մինն իմ բախտիցը—ասաւ Գիքորն ուռկանը

ձգելիս: Գիքորի բախտը դատարկ դուրս եկաւ:

— Էս մինն էլ մեր Չանի բախտիցը:

Էս էլ դատարկ դուրս եկաւ:

— Էս մինն էլ Գալօի բախտիցը:

Գալօն էլ էր անբախտ:

— Էս մինն էլ բաս...

Բայց էտ ժամանակ մօտիկ քարլանսարի դռանը աղմուկ բարձրացաւ: Մի պարսիկ կապիկ էր պար ածում երգելով.

Այ արի, արի, մէյմուն,

Ճիպտաղ սարի, մէյմուն,

Պառաւի պէս կուզի կուզ,

Չահելի պէս պարի, մէյմուն:

Ժողովուրդը հաւաքւել էր գլխին ու վազում էին չորս կողմից: Գիքորն էլ վազեց: Աշխատեց կանգնած ժողովրդի արանքը մտնի, առաջ անցնի, չըկարողացաւ: Վիզը ձգեց, պճեղները վրա կանգնեց ու ձգնում էր անպատճառ տեսնի թէ ինչ է կատարւում մէջ տեղը:

— Ինչ ես ներս խծկւում, սո լածիրակ, գնա քու բանին, ասաւ մի կինսօ ու զարկեց գլխին:

Գիքորը յանկարծ սթափւեց ու վազեց դէպի խանութը:

Իրիկունը Գիքորը կուչ էր եկել խոհանոցում: Դեռ արտասուքը չէր ցամաքել նրա երեսին, դեռ այրւում էին խաղէինի ապտակների տեղերը, դեռ նոր էր լուել աղջիկ պարոնի ձէնը— շուշաջնելով ներս մտաւ Վասօն, բազազի աշկերտը: Գիքորին նկատելով՝ նա իսկոյն կանգ առաւ ու մասխարա դէմքին լրջութիւն տալով սպառնալի հարցրեց.

— Կլուբումն ուշացար, սո արջի քոթոթ, թէ գութերնատի մօտ վազ գործ ունէիր...

Գիքորը գլուխը չէր բարձրացնում:

— Ասա մի տեսնեմ է, սօ...

Գիքորը լուռ էր:

— Չէս իմանում, սօ. որտեղ էիր է, որ էսօր ինձ քաղցած սպանեցիր. որ մեռնէի՝ ետոյ...

Էսպէս խօսելով կամաց կամաց մօտեցաւ, մի քիչ կանգնեց ու յանկարծ զարկեց Գիքորի գլխին: Գիքորը երկու ձեռքով գլուխը պաշտպանեց ու սեղմեց պատին: Վասօն պատրաստւում էր մի ուրիշ ձևի հարւած էլ հասցնելու, բայց դուրսը բարձրացաւ խաղէինի ձայնը: Գալիս էր:

— Աբա տես հիմի քեզ ի՞նչ է անում, սպառնաց Վասօն:

«Հիմի ինձ կը սպանեն», անցաւ Գիքորի մտքովը, ու խեղճի հոգին տապ արաւ:

Խաղէինը արդէն բաւականին ծեծել էր խանութում, այժմ միայն հրամայեց հաց չըտան, որ իմանայ թէ ինչ բան է քաղցածութիւնը:

Վտանգն անցաւ:

Գիքորը հանգստացաւ, թէև լսում էր աղջիկ-պարոնի ձայնը, որ ճշում էր.— Ախր ընչի՞ ես պահում, դուրս արա կորչի էլի, դուրս արա կորչի...»

Գիքորը կծկեց վերմակի մէջ, գլուխը կոխեց տակը, տապ արաւ:

«Լուսնեակ գիշեր, բոլորովին քուն չունեմ, ինձ տեսնողը կարծում է թէ տուն չունեմ, վայ, տուն չունեմ...»,

իր երգը երգելով Վասօն հաց էր ուտում: Գիքորը վերմակի տակից երբեմն զգոյշ ծիկրակում, թաքուն նայում էր նրան, կրկին աչքերը ծածկում: Նա էն օրը հաց չէր դրել բերանը. ծեծւել ու լաց էր եղել, այժմ էլ քաղցած պառկեց, ու քունը չէր տանում:

— Հը, Դնց ա, սոված քունդ չի՞ տանում հա՛, էդ պէս... — նկատեց չարածճի Վասօն ու մի կտոր հաց ու պանիր տաւ Գիքորին: — Դէ, առ, տեղի տակին թաքուն կեր, խաղէինը չիմանայ:

Գիքորը յափշտակեց հաց ու պանիրը, գլուխը կոխեց տեղի տակը, թաքուն ուտում էր ու մտածում: Մտածում էր իրենց տան վրա, էն օրերի վրա, երբ ազատ խաղում էր հանդերում ու լիասիրտ հաց ուտում, մտածում էր էն երեկոների վրա, երբ հէրն ու մէրը կուռում էին իրեն քաղաք բերելու համար... մէրը լաց էր լինում, չէր ուզում...

— Ա՛խ, նանի ջան, ինչ լաւ էր սիրտդ իմացել, — հառաչում էր Գիքորը տեղի տակին ու հաց ու պանիրն ուտում ահանջը սրած, թէ խաղէինը հօ չի գալի:

Իսկ առաւօտը կանգնած էր խանութի դռանը:

Խանութի դռանը կանգնած ձէն էր տալի Գիքորը, մուշտարի էր կանչում ու բարձր ձէնով գոգում իրենց ապրանքը:

— Կանչի է, տօ. ինչ ես միջւել, մնացել կանգնած: Բերանումդ հօ ջուր չը կայ:

— Էստի համեցէք, էստի համեցէք... կանչում էր Գիքորը:

Ներսը ծիծաղից թուլանում էին:

Նրան սովրեցրել էին, որ մուշտարի քաշի դէպի իրենց խանութը: Եւ նա յաճախ բռնում էր էս կամ է՛ն անցորդի փէշից, կոպիտ սւ յամառ ախտում էր քաշել դէպի խանութը, ու բաց չէր թողնում, մինչև որ մարդը

դուրս էր գալի համբերութիւնից: Գալիս էր դարձեալ իր տեղը կանգնում ու կանչում:

Ամառայ տօթ օրերին, խանութի դռանը երկար



կանգնելուց յոգնած, նա երբեմն նստած քնում էր խանութի առաջին դարսած չթերի վրա:

Էդ ժամանակ չարածրձի ընկերները կամ հարևանները բռնօթի էին բռնում նրա քթի տակը:

Նա փռշտալով վեր էր թռչում:

Շոգից թմրած վաճառականները զւարճանում էին: Իսկ խազէինը կուշտ ծիծաղելուց յետոյ ձայն էր տալի: —Քնում ես, տօ, արջի քոթոթ, կանչի է...

—Է՛ստի համեցէք, էստի համեցէք,—ձէն էր տալի Գրիբորը:

**Մ**ի օր էլ Գրիբորը երբ մուշտարի էր կանչում՝ գիմացից երկու գիւղացի դուրս եկան: Նա վազեց, փաթաթեց գիւղացիներին:

—Ա՛յ տղայ, իսկի ձանաչեցի ոչ, էս ի՛նչ բան էր, զարմացած բացականչեց գիւղացիներից մինը ու դարձաւ ընկերին:

—Բաղօ, դու կըճանանչէ՞ր...

—Ես աչքերիցը կը ճանանչէի, պարծեցաւ ընկերը: Ճշմարիտ, որ Գրիբորը շատ էր փոխւել, շատ էր մաշւել: Ինքն էլ էր փոխւել, շորերն էլ: Դժար էր ճանաչելը:

—Ա՛յ տղայ, էս կարգին մարդ ա դառել... հալա սրա շորերին, սրա շնորհքին... հիանում էին գիւղացիները:

—Համբօի հողը մեր գլխին տես, նա իր տղին սրտեղ հասցրեց, մեր տղերքը էնտեղ խոզ են արածացնում...

Այն ինչ Գիքորը իրար ետևից հարցնում էր.  
Իմ մէրը ո՞նց ա... մեր երեխէքը ո՞նց են... իմ  
հէրն ընչի՞ չեկաւ... մեր կովը ծնել ա թէ՛ չէ... մեր  
գեղումն ո՞վ ա մեռել...

Ամենն էլ լաւ են, շատ բարով կանեն,—պատասխա-  
նեցին գիւղացիք.—էն ա Սուքնանց. Ղուկասը մեռաւ,  
մին էլ Պուճուրանց պառաւր, մնացածը լաւ են:

—Բա իմ հէրն ընչի՞ չի գալի:

—Քու հէրը լաւ ուզում ա, ամա ո՞նց գայ: Ինքը  
մենակ մի մարդ ա, սաղ տան ջափէն վրէն...

—Բա բան չեն դարգել...

—Ինչ ունեն որ ինչ դարգեն, դու ձեր տան բանը  
գիտես ո՞չ: Էս տարի էլ հացը բարակ էր, խեղճ հէրդ  
զօռով ծէրը ծէրին ա հասցնում: Նրանից ի՞նչ ես ուզում:  
Թէ ունիս, դու դարգի. հրէն խարջ են ուզում—ձեռին  
գոռ չունի:

—Նո մեր տանիցը ոքմի չի՞ հիւանդացել:

—Չէ, էն ա ձեր Ծաղիկ կովը Միրզանց գոմի փլե-  
կովը ներքե ընկաւ սատկեց:

—Ծաղիկը սատկեց...

Խեղճ մէրդ էնքան լաց էլաւ աչքերն ուռան:

Էս ասելով գիւղացիները մինը մի նամակ հանեց  
տւաւ Գիքորին ու ասաւ.

—Հիմի ի՞նչ ես ասում. մենք էլ քեզ տեսնիլ չենք,  
գնալու ենք. թէ մօրդ կամ քւորդ համար բան ես դար-  
գելու, տուր տանենք:

—Ո՞րտեղից բան դարգեմ, դեռ փող չեմ ստանում...  
ամա...

—Ամա ի՞նչ...

—Ուզում եմ՝ ես էլ գամ ձեզ հետ: Համ մեր գեղին,  
համ մերոնց կարօտել եմ, համ էլ...

—Վայ, վայ, մենք հէնց իմացանք մարդ ես դառել,  
խելօքացել ես... էդ տեսակ բան կասէն: Էստեղ քեզ հա-  
մար աղավարի ապրում ես—շորերդ թազա, ոտն ու ձե-  
ռըդ իստակ... Մենք ասում ենք մեր երեխանցն էլ տեղ  
անես բերենք, դու էտ ի՞նչ ես ասում: Էն որ ասել են  
«խողի գլուխը դրին խալիչին, գլորւեց ետ ցեխն ընկաւ,»  
հալալ քեզ համար են ասել:

Էսպէս յանդիմանեցին գիւղացիները, խրատեցին,  
մնաս բարով ասին ու գնացին:

Նրանց գնալուց ետը Գիքորը իր անկիւնը քաշւեց  
ու բաց արաւ հօր նամակը:

«Իմ սիրելի որդի Գիքոր ջան:

՚ի քաղաքն թիֆլիզ:

«Մենք ողջ և առողջ ենք, միայն քու առողջութի-  
ւնն ենք ուզում, ամէն: Քեզ շատ կարօտով բարով են  
անում Ապին, Նանը, Չանին, Մօսին, Միկիչը, Գալօն,  
ամէն: Մեր սիրելի որդի Գիքոր. ահա իմացած լինես, որ  
տեղներս շատ նեղ ա և խարջը սաստիկ ուզում են և  
փող չենք ճարում, և Նանն ու Չանին տկլոր են և տեղ-  
ներս շատ նեղ ա: Գիքոր ջան, մի քանի մանէթ փող  
դարգի և մի գիր դարգի քու որպիսութիւնիցը: Եւ իմա-



ցած ըլես, որ Ծաղիկը սատկեց, և Նանն ու Զանին տրկ-  
լոր են:

Նամակը կարդաց ու տեղը կանգնած միտք էր ա-  
նում Գիքորը. դարդ էր անում իրանց տան համար: Սիր-  
տը էրում էին նամակի տողերը:

—Նանն ու Զանին տկլոր են... Տեղներս նեղ ա...

—Կանչի է, տօ, ի՞նչ ես վերացել, ուշքդ հետները  
գնաց...—ձէն տւին ներսից:

—Էստի համեցէք, էստի համեցէք, կանչում էր Գի-  
քորը խանութի դռանը կանգնած:

**Զ**մեռը եկաւ: Սառն աղմուկով ձիւնախառն բուքը  
թռչում է քաղաքի վրով: Փողոցներում սուրում, սու-  
լում, հոսան է անում: Վզգալով մտնում է անկիւնները,  
աղքատի ու տկլորի է ման գալի, պանդուխտ ու անտէր  
երեխայ է որոնում:

Ահա գտաւ Գիքորին:

Մի բարակ բլուզ հագին խանութի դռանը կանգնած  
ձէն էր տալի նա.

—Էստի համեցէք, էստի համեցէք...

—Հրէսսս...—չարախինդ սուլելով ցուրտը, աներևոյթ  
թրի նման, զարկեց անցաւ ոսկորները: Գիքորը դո-  
ղաց:

Առանց էն էլ նա շատ էր մաշւած. էղքանն էլ հե-  
րիք էր նրան: Ու անկողին ընկաւ:

**Ն**իւանդ պառկած էր Գիքորը բազազ Արտեմի խո-  
հանոցում: Պառաւ դէղին օրը մի քանի անգամ ներս էր  
մտնում իրեն իրեն խօսելով:

—Ի՞նչ կուզես, որդի, Գիքոր:

—Զնւր...

Դէղին ջուր էր տալի: Հիւանդը գողգոջուն ձեռնե-  
րով բռնում, ագահ խմում էր ու կրկին ուզում:

—Էս սիրտս հովացնում չի, դէղի... ես մեր աղբրի  
սառը ջրիցն եմ ուզում, դէղի... ես մեր տունն եմ գը-  
նում... ես իմ նանին եմ ուզում...

Բազազ Արտեմը ցաւի մէջ էր ընկել: Նա դէս դէն  
ընկաւ, նրանց կողմերից մարդ գտաւ, ապսպրեց, որ  
Համբօն գայ, իսկ Գիքորին տարաւ քաղաքային հիւան-  
դանոցը:


Էստեղ շատ հիւանդներ կային շարքերով պառկած:  
Տխուր տընքում էին ու օձորքին նայում անզօր հայեացք-  
ներով:

Գիքորին էլ պառկեցրին նրանց շարքում:

Էստեղ գտաւ նրան հայրը:

— Էտ ինչ ես էլէլ, Գիքոր ջան, մղկտալով վրա  
ընկաւ Համբօն:

Գիքորը տաքութեան մէջ չիմացաւ հօր գալը:



— Գիքոր ջան, բա եկել եմ է, Գիքոր ջան... ես քու  
ապին եմ է...

Հիւանդը ոչինչ չը հասկացաւ: Նա զառանցում էր  
ու զառանցանքներէ մէջ կանչում էր— «Միկիչ, Չանի,  
Ապի, Նանի...»

— Էստեղ եմ, Գիքոր ջան, նանը դարկել ա, որ քեզ  
տանեմ մեր տունը... գալիս չէս... Միկիչն ու Չանին  
հրէն կտերը կանգնած քեզ ճամփա են պահում: Ինչ ես  
ասում. դէ խօսա է, Գիքոր ջան...

— Էստի համեցէք, էստի համեցէք, — բացականչեց  
հիւանդը, զանազան անկապ, կցկտուր խօսքեր ասաւ ու  
ծիծաղում էր տաքութեան մէջ:

Ա ի երկու օրից ~~կտր~~ Համբօն գնում էր իրենց  
գիւղը:

Նա թաղել էր Գիքորին ու գնում էր: Կռան տակին  
տանում էր շորերը, որ մէրը լաց լինի վրէն: Շորերի  
գրպաններում մի բուռը փայլուն կոճակներ, նախշուն  
թղթեր, չթի կտորներ ու մի քանի քորոց գտան: Էն էլ  
երևի, քրոջ— Չաննի համար էր հաւաքել ու պահել...

Գնում էր Համբօն ու մտածում: Շատ ժամանակ  
չէր անցել, որ էդ միևնոյն ճամփով քաղաք եկաւ իր  
Գիքորի հետ: Ահա էստեղ էր, որ նա ասաւ.

— Ապի, ոտներս ցաւում են...

Եւ ահա էն ծառը, որի տակ նստեցին հանգստանա-  
լու...

Ահա էնտեղ էր, որ ասաւ.

—Ապի, ծարաւ եմ...

Ահա էն աղբիւրն էլ, որ ջուր խմեցին...

Ամենը, ամենը կան, մենակ նա չը կայ...

Միւս օրը, երբ Համբօն անցնում էր լեռները՝ հեռ-  
ւում երևաց իրենց գիւղը:

Գիւղից դուրս կանգնած սպասում էին Նանը, Զա-  
նին, Միկիչը, Մօսին, իսկ փոքրիկ Գալօն մօր գրկից  
կանչում էր.

—Ալի, ալի, հէ Գիբոյ...





216

0014526

2013

« Ազգային գրադարան



NL0014526

